

Caribbean Store a yama ayo na grandi



ORANJESTAD- Caribbean Store a yama ayo na grandi. Bon Dia Aruba tabata presente pa e celebracion cu a tuma lugá di-

abierna ultimo na Noord. No tabata tin mas caminda pa pone hende.

Desde hende nan consider-

ablemente hoben pa hende di edad mas grandi, tur a gosa.

Ora Data Panic a subi escenario no tur hende a baila.

Arlette Franken, a conta Bon Dia Aruba cu na final di anochi e la bay bar pa busca bebida alrededor di 1or di madruga. E señora den e bar di cun'e "mi yiu, boso a bebe tur 500 caha di cerbes" y a pase dos whisky. Pa un breve momento

"Perucho" y su yiu muhe a subi escenario pa duna un palabra di gradicimento na tur hende cu a sostene nan pa 34 aña largo. Riba e pagina di Facebook Caribbean Store a expresa diasabra ultimo "Ayera despues di 34 aña Caribbean Store a despidi cu un ultimo evento pa gradici cada un cu a sostene e rumshop aki den curason di Noord. No solamente nos a bisa Aruba ayo ayera y mantene un record limpi di 34 aña sin ningun incidente - ayera nos a libra un barera di edad tambe. E evento ayera tabata uno cu tur generacion ; personanan grandi di edad a baila cu e multitud hoben y a com-

proba cu age doesn't matter!" Bon Dia Aruba a publica riba dia 25 di september cu Caribbean Store lo habri bek pero bou di un otro nomber. E yiu di e propietario nan ta conta cu e lugá ta bay keda cera pa algun tempo no solamente pa e doñonan nobo haci e lugá di nan mes, pero pa honra e historia di Caribbean Store. Sr."Perucho" a conta Bon Dia Aruba cu e motibo principal pa cual e lugá ta cera, ta pasobra e cu su casa kier disfruta un poco di nan biehes awo cu curpa ta duna ainda. "Antes nos tabata habri di 9'or di mainta te cu 9'or di anochi, despues nos a cuminsa habri merdia, hende a cuminsa kere cu nos a bira floho. Pero no ta esey, e cos ta cu edad ta subi." Sr."Perucho" a comenta. E rumshop semper ta conoci pa tin un audiencia madura tambe. E yiu muhe a comenta cu e audiencia ta varia mas tanto di 30 pa 60 aña. □

